




REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



“Telekomi i Kosoves” Sh.A.
Nr. i biznesit 70280741
Drejtor – Gent BEGOLLI
Operator i Shpërndarjes “Telekomi i Kosovës Sh.A.”
Platforma: OTT
Prishtinë

Ref: 1810/1134/LIC/ni

VENDIM

për licencimin e Operatorit të Shpërndarjes, “Telekomi i Kosovës Sh.A.”, sipas platformës OTT,
me seli në Komunën e Prishtinës

FAKTET

1. Komisioni i Pavarur për Media (KPM), në bazë të nenit 3, paragrafi 2.6. të ligjit për KPM (Ligji nr. 04/L-44), nxjerr akte nënligjore për rregullimin e transmetimit dhe të shërbimeve mediale audio-vizuale, të cilat nevojiten për të kryer funksionet e saj, në pajtim me standardet ndërkombëtare.
2. Rregullorja për Shpërndarjen e Ofruesve të Shërbimeve Mediale Audio dhe Audiovizuale (Rregullorja KPM-2016/01) përcakton rregullat dhe procedurat për shpërndarjen e ofruesve të shërbimeve mediale nga ana e operatorëve, pavarësisht nga teknologjia e përdorur.
3. Kandidati “Telekomi i Kosovës Sh.A.” ka aplikuar për licencë të KPM-së, për operatorë të shpërndarjes sipas platformës OTT, më datën 11 shtator 2018.

ARSYETIM

4. Ligji Nr. 04/L-44 për Komision i Pavarur për Media, përcakton se KPM është organ i pavarur i cili është kompetent për rregullimin, menaxhimin dhe mbikëqyrjen e spektrit të frekuencave të transmetimit si dhe rregullon të drejtat, detyrimet dhe përgjegjësit e personave fizik dhe juridik të cilët ofrojnë shërbime mediale audio-vizuale.

5. Neni 21, paragrafi 1 i Ligjit të KPM-së përcakton se: *“për të ushtruar transmetim në Kosovë sipas kushteve të këtij ligji kërkohet licenca për transmetim, të cilën e lëshon KPM-ja”*.
6. Komisioni, i ka ofruar kandidatit për licencë për operator të shpërndarjes “Telekomi i Kosovës Sh.A.” të gjitha aktet nënligjore për aplikim për licencë si: Rregulloren për Shpërndarjen e Ofruesve të Shërbimeve Mediale Audio dhe Audiovizuale (Rregullorja KPM-2016/01), Rregulloren për Tarifën Vjetore për Licencë (Rregullorja KPM-2017/06) dhe Formën për aplikim për licencë të KPM-së, për operator të shpërndarjes.
7. Komisioni vlerëson se kandidati “Telekomi i Kosovës Sh.A.” ka paraqitur në aplikacionin e tij të gjitha të dhënat e nevojshme për licencë të KPM-së për operator të shpërndarjes në pajtueshmëri me Nenin 6 të Rregullores KPM-2016/01 dhe të shtojcës së kësaj rregullore, ku përcaktohen Procedurat, Kushtet dhe Kriteret për Licencim.
8. Me Rregulloren KPM-2016/01 nuk përcaktohet numri i kanaleve se sa duhet të përmbajë lista e pakos programore për një operator të shpërndarjes. Prandaj, Komisioni i KPM-së vlerëson se, një operator i shpërndarjes mund të licencohet edhe me një numër minimal të programeve të përcaktuara me nenin 9 dhe 10 të Rregullores KPM-2016/01, ndërsa, kandidati “Telekomi i Kosovës Sh.A.” ka dorëzuar një listë prej 39 kanaleve, si pjesë e katalogut programor.
9. Kandidati “Telekomi i Kosovës Sh.A.” për operator të shpërndarjes sipas platformës OTT, përveç ofruesve të shërbimeve programore të licencuara nga KPM, të përcaktuara me nenin 9 dhe 10 të Rregullores KPM-2016/01, do të ketë të drejtë të bartë në katalogun e tij programor vetëm kanalet televizive për të cilat posedon marrëveshje mbi të drejtën e autorit.
10. Pas pajisjes me licencë të KPM-së, kandidati për operatorë të shpërndarjes “Telekomi i Kosovës Sh.A.” mund të sigurojë marrëveshje shtesë për bartjen e programeve në platformën OTT, dhe mund të zgjerojë katalogun e programeve në të ardhmen. Kandidati “Telekomi i Kosovës Sh.A.” obligohet t’i ofrojë KPM-së të gjitha marrëveshjet e reja për zgjerim të listës programore, sapo t’i ketë siguruar ato.
11. Komisioni vlerëson se, kandidati “Telekomi i Kosovës Sh.A.” ka dorëzuar aplikacionin e tij në pajtueshmëri me kriteret e përcaktuara me Rregulloren KPM-2016/01 si dhe me Rregulloren KPM-2017/06, për t’u pajisur me licencë të KPM-së për një afat prej dhjetë (10) vitesh, me mundësi të ripërtëritjes.
12. Komisioni vlerëson se, kandidati për operator kabllor “Telekomi i Kosovës Sh.A.” ka përmbushur kriteret për kualifikim për t’u pajisur me licencë të KPM-së.

VENDIM

13. Komisioni, në takimin e tij të mbajtur më datën 26 tetor 2018, merr vendim që, kandidatit “Telekomi i Kosovës Sh.A.” i cili planifikon të operojë në tërë Kosovën, t’i lëshojë licencën e KPM-së për operatorë të shpërndarjes sipas platformës OTT, për të ofruar

shërbime të programeve në pajtim me katalogun e ofruar programor sipas marrëveshjeve për të drejtat autoriale të atyre shërbimeve mediale audiovizuale.

Lëshimi i Vendimit

14. Këtë vendim e lëshon Komisioni, dhe i njëjti hyn në fuqi që nga data e nënshkrimit.



Muja FERATI

Kryetar

KOMISIONI I PAVARUR I MEDIAVE



29.10.2018

datë